

## Jém segunda carta jém ijayñewiip jém Xiwan

---

**Jém numapic anquímayooyi  
tayoxpátpa iga tanatoyfamtaiñ  
con jém tantiwitam**

<sup>1</sup>Ich aXiwan, atsamipic  
anjagooyi. Siip manyomtíwi, jém  
micupijnewiip Dios, manjáyáypa  
mimichítam con jém immanictam.  
Numa tsam mantoytámpa. Da no  
más ich mantoypa, mitoytámpa  
itumpiy jém icupicneyajwiip  
jém numapic anquímayooyi.

<sup>2</sup>Mantoytámpa mimichítam  
porque tancupictámpa jém  
numapic anquímayooyi jém  
tanaitwiip tánanamanjom, jém  
tanwaganaitwiip para itumpiy  
tiempo. <sup>3</sup>Siip tanJatuj Dios y  
jém tánQmi Jesucristo, jém Dios  
iManic, miwíwadaytámpa y  
miyaachanjamtámpa mimichítam.  
Michiitámpa jém wibic paz  
iga odoy micinjítamiñ. Jempam  
miwadaytámpa Dios con jém  
numapic anquímayooyi y jém wibic  
tóyooyi.

<sup>4</sup>Ich tsam amaymay iga ampát  
algunos jém immanictam agui  
iwíwatayjpa juuts nimpa jém numapic  
anquímayooyi, jém tanímayñewiip  
jém tanJatuj Dios. <sup>5</sup>Manyomtíwi,

siip manjuncucáypa iga natoytamtaji  
con jém tantiwitam. Da manjáyáypa  
tum jomipic anquímayooyi. Yíp  
anquímayooyi jeefim jém mojiwip  
tampictsoj. <sup>6</sup>Siiga tanait jém wibic  
tóyooyi, jesic tanwattámpa juuts  
nimpa jém Dios inquímayooyi. Yíp  
anquímayooyi jeefim jém wiñtipic  
tammatorne iga tatoyoytamiñ.

**Tsam íf jém tamigóyayjápápic**

<sup>7</sup>Siip siiyajpa jutinjuej jáyan jém  
migoyyajpaap. Nimyajpa iga jém  
Jesucristo da oy íti yíp naxyucmi  
juuts tum pxiñ. Yíp migoyyajpaap íf  
en contra de jém Cristo. <sup>8</sup>Wattaami  
cuenta mimichítam iga odoy togóyiñ  
jém incoñwiyoooyi porque tsam pimi  
miyoxata. Wí iga capsap impictsoj  
jém incoñwiyoooyi jém michiipápic  
Dios.

<sup>9</sup>Siiga í ichacpa jém Cristo  
inquímayooyi iga incođyapa y  
ijáyanjyapa más jém anmatí, jesic jém  
pxiñ da iwaganait Dios. Pero siiga  
tum pxiñ da ichacpa jém Cristo  
inquímayooyi, iwaganait tanJatuj Dios  
y iwaganaitim jém Dios iManic. <sup>10</sup>Siiga  
núcpa inñicciim tum anmaciwiñ  
jém dápic inmatpa parejo jém Cristo  
inquímayooyi, jesic odoy jégaayi iga

tigiypa con mimichfam. Dafim wı iga tandioschiiba jem pıxiñ. <sup>11</sup>Porque siiga tannímáypa jem malopic aṇmafciıwiñ iga: Dios miwıwadáyıñ, jesic jempam tanyoxpátpa iga imalwatpa.

**Cuyajum jem toto**

<sup>12</sup>Tsam jáyaṇ cosa manjáyayfooba idic, pero da

más manjáyáypa con toto y tinta. Anjıspa iga nicpa manjójáy iga taṇmatmatneebea con mimich, jesic agui tamaymáyatámpa.

<sup>13</sup>Jém iñchıtsi imanictam, jem icupiṇnewıip Dios, micutsadáypa wafıdios. Jemum cuyaj.